

08 NOV 1996

NIK AZIZ JEMPUT MAHATHIR LAWAT KELANTAN

KOTA BAHARU, 8 Nov (Bernama) -- Menteri Besar Kelantan Datuk Nik Abdul Aziz Nik Mat berkata, beliau sudah menjemput Perdana Menteri, Datuk Seri Dr Mahathir Mohamad melawat Kelantan dalam usahanya untuk merapatkan hubungan antara kerajaan negeri dan Persekutuan.

"Bagaimanapun Perdana Menteri belum lagi menentukan tarikh lawatan itu", katanya kepada pemberita di kediamannya JKR-10, di sini hari ini.

Beliau berkata, jemputan itu juga mengambil sempena upacara menandatangani perjanjian (MOU) usahasama petrokimia dan gas antara Perbadanan Kemajuan Ikhtisad Negeri Kelantan (PKINK) dengan Koperasi Usaha Bersatu (KUB), milik Umno di Kuala Lumpur baru-baru ini.

Projek itu yang dilaksanakan di Pantai Senok, Bachok, melibatkan peruntukan kira-kira RM2,000 juta. --BERNAMA.

WM WAT